

2 Peetroo

Wore nyasepo ne Peetroo a kyoreε bo kyonwe Kristoo awuye ko-ɔ

¹ Mo, Simon Peetroo, ne n gye Yeesuu Kristoo a ayaafore-ɔ ɔko na mɔ ayaa-ro ayerepo-ɔ ɔko-ɔ e gye ne mɔ e kyoreε wore mɔ mɔ e kyonwe bamo ne Wuribware na ane amorowepo Yeesuu Kristoo itimaa si, baa bo kore atɔ timaa ko aseɲ gyi feye ane-ɔ. ² Mo e kore kebwarekore feye mone a maa se mone i gyii Wuribware na ane nyanpe Yeesuu-o, Wuribware yure mone, na ɔ sa mone kayeyuri bweeto.

Anɛ ne Wuribware a tɔwe bo beya feye ɔ kya ane-ro, na ane kii feye mɔ-ɔ

³ Anɛ a tɛɛ gyii Wuribware, ne ɔ tɛɛ anɛ feye anɛ bo nya mɔ kedabe-ɔ kɔko, na anɛ kase mɔ kedamenanɛ kowaa-ro-ɔ se-ɔ, ɔ yere mɔ keyaalen dabe-ɔ-ro bo sa anɛ ketɔ kɛmaa ne ki tiri ane-ɔ, na anɛ bo kyena kakyena ne ka gyi mɔ akatɔ-ɔ. ⁴ Mɔ a bware-o si-o, ɔ tɔwe bo beya feye ɔ sa anɛ aketɔ ko ne a kyɔ, ne a bo dan-ɔ. Aketɔ mɔ se ne anɛ e yere a anɛ bo kii feye Wuribware-ɔ, na anɛ ma bo kii feye ebɔye awaapo ne bamo nyorowe bɔye a nyera kaye mɔ-ɔ.

⁵ Amose se-ɔ, mone e kore mɔ mone i gyi, amaa mone e kpa a mon' kii feye mɔ-ɔ, mon' len eyee waa itimaa, na mon' gyii Wuribware neɛɛɛ. ⁶ Na mon' deere mone eyee se, na mon' waa kanyite. Na mon' sun Wuribware kasentiɲ-no. ⁷ Na mon'

waa mone abεεko Kristoo awuye feye mone aa bamo pεεε a lee kokowebεε konko-ro-ɔ. Lalalowe e gye feye mon' kpa abεε.

⁸ Mone ya waa aneη a ato mo bweeto bweeto, mone kigyii ane nyanpe Yeesuu Kristoo maa waa kwaa. Aneη a ato amo e kya mone-ro a mon' kyena kakyena timaa ne ka de tono sa Wuribware-ɔ.

⁹ Amaa mone okemaa e monj buwi kpa aneη a ato mo, a kaapo nee feye o monj kee keto ne ke bo akato-ro ke e ba-ɔ. Mo akato a bwee, ne o tan se feye Wuribware a kpee ebaye ne o deε waa-ɔ bo twee.

¹⁰ Amose se-ɔ, mo kosobεε-ana, mon' leη eyee kenken, na mon' nya ηu kasentij feye Wuribware monj tee mone lee mone sa mo eyee kwaa nee. Mone ya waa aneη a ato ne mo a towe-ɔ pεεε fεraa, mone maa lee lwii kamεε.

¹¹ Na ηkee mon' tii ane nyanpe na omoro wepo Yeesuu Kristoo a kuwure ne ke monj de keε-ɔ se. Mfeη ne o ba kakatogyi a o bo kore mone baa mo ase.

¹² Amose se-ɔ haree mone i nyi feye ato mo ne mo e towe amo asen-ɔ e gye kasentij gbaa ooo, ne mone e kore amo mone i gyi bweeto gbaa ooo, mo e deε nyinji mone amo se. ¹³ Kasentij si, mo a sanj m bo ηkpa-ɔ, a bware feye η nyinji mone asenj mo se. ¹⁴ A lee feye η nyi feye mo sanj a fo, na η wu lowi ne ane nyanpe Yeesuu Kristoo a towe gywii mo feye mo i wu-o. ¹⁵ Amose se ne n sa se neεεε feye, mo ya wu, kpa buηji sa mone, na mon' nyinji asenj mo se sanj kεmaa.

Aneη ne Peetroo a ηu Kristoo a kedabe na wuraa-o kebee-ɔ se-ɔ

16 Boko bo-rɔ ne bo ye ane abwaresen kotawe gye ayeba itee. Amaa n gye ayeba itee ne ane a yere se tawe gywii mone feye Yeesuu Kristoo de keyaalen, ne ɔ beɛ o kinɔi a ɔ ba. Ane fɔnfɔn a ɔ mɔ kedabe na wuraa-o neɛ. 17 Yeesuu mɔ se Wuribware fɔnfɔn ya bonnyaa mɔ, ne ɔ sa mɔ kedabe na wuraa san ne Nyinɔkpen-ɔ-kyɔ-bamɔ-pɛɛɛ-kedabe-na-wuraa a tawe lee soso bo kyɔnwe feye,

“Mon' keɛ mɔ gyi timaa ne mɔ e kpa mɔ asen bweɛtɔ,
ne mɔ akatɔ a gyi mɔ se-ɔ.”*

18 Ane fɔnfɔn a nu anen a bore-ɔ a lee soso ɔ ba san ne ane aa mɔ bo Wuribware a kebeɛ timaa-o si-o.

19 Ketɔ ne ane a ɔ, ne ane a nu-o si-o, ane e kɔɔre ketɔ ne Wuribware a akyaamɛɛ ne baa dɛɛ kyena-ɔ a tawe-ɔ gyi bweɛtɔ. A bware feye mon' nu ketɔ ne baa tawe-ɔ neɛneɛ, a lee feye bo kyɔ ba tawe abwaresen-ɔ ako pweɛ ne Kristoo a dɛɛ bo kyena ane ɔkponɔ-rɔ, ne ɔ waa ketɔ kɛmaa kyɛkyɛ-ɔ. Bo du ne feye fetiri a lanɔe kibugyii-ro bo fo gyɛgyaye kyɔwe keleɛbeɛ-ɔ. 20 Amo pɛɛɛ kamɛɛ-ɔ, mɔ e kpa a ɔ nyinɔi mone se feye ɔko mon bo-rɔ ne ɔ taare a ɔ kaapo ketɔ ne Wuribware a akyaamɛɛ amo a kyɔre waa abwaresen wɔre-ɔ-rɔ-ɔ kaase, na Wuribware a kufwiine timaa-o mon kya mɔ-rɔ. 21 Ketɔ se ne amo-ɔ du anen-ɔ e gye feye, san kɛmaa ne anen a asɛɛ mɔ a tawe ketɔ ne Wuribware a lee bo kaapo bamɔ-ɔ, n gye bamɔ fɔnfɔn kepre

* 1:17 Mاتيo 17.5; Maak 9.7; Lukas 9.35.

se ne baa sa sen̄sa. Amaa Wuribware a kufwiine timaa-o ya kyena bamo se, ne Wuribware a borō bamo se sa sen̄sa.

2

Mon' sa ayebapo ne bo ye bo gye Wuribware akyaamεε-ɔ se

(Yudas 3–16)

¹ Dedaa-ɔ, ayebapo ko bo-ro ne bo ye bo gye Wuribware a akyaamεε-ɔ bokō, ne baa lwee asese-ro bo tii Wuribware a akyaamεε kasentij-o si. Aneñ dεε ne akyaamεε ayebapo i lwee mone-ro. Ba ywii a bo lwee mone mbon̄to-ro, na bo ba ayeba ato kekaapo ne ke e sa a mone kokōregyi ba kaase-ɔ. Ba kine bamo nyan̄pe Yeessu ne oo, wu na ɔ kōore bamo lee Ɔbonsam kesaree-ro-ɔ. Amose se-ɔ Wuribware e nyera bamo men̄a. ² Asese bweeto e gya bamo ekpa ne i de apeeresen̄-ɔ se, na a sa a asese bokō nyera kasentij a kpa-ɔ ken̄yare. ³ Ayeba akaapopo amo a de apoo-o si-o, ba tawe itee ko, na bo penna mone kōore mone atanne gyi. Amaa Wuribware ne ɔ gye bamo sen̄gyipō-ɔ mon̄ di idi, o gywii nee, na ɔ bo kpuri bamo.

⁴ Mon' nyin̄ji si feye Wuribware mon̄ nu mō f̄n̄f̄n̄ mb̄ɔ ne baa waa eb̄oye-ɔ ewεε. Ɔɔ da bamo pan̄ na ekpee, ne ɔ twee bamo bo kyon̄we kibugyii-ro sweere kaase, mfen̄ ne bo gywii kake ne o gyi kaye-ro asese peεε asen̄-ɔ. ⁵ Wuribware bee ɔ mon̄ nu asese ne baa dεε kyena dedaa-ɔ, ne baa kine kibu mō-ɔ ewεε. Ɔɔ sa ne kufwiiri a twee, ne nkyu a mwiire bamo se m̄ɔ bamo. Amaa ɔ mor̄owe Nowaa ne ɔ tawe abwaresen̄ feye asese

waa itimaa-o, na asese asunoo ko bee bo tii si san amo.

⁶ Mon' bee kee Sodom na Gomora eman awuye ne Wuribware a kine bamo, ne do kywese eman-ɔ na asese-ɔ pese muri waa nso-ɔ.* Ɔo ba bamo nee bo kaapo ketɔ ne ke e waa bamo ne ba kine mo-ɔ. ⁷⁻⁸ Amaa Lot feraa e gye anyare timaa ko, ne do de o te asese boye amo-ro nee, ne kake kema daa boye na borokone ne o nu ba waa-ɔ, na o nu ba waa-ɔ pese e toora mo bweetɔ, a lee feye do gye sese timaa nee. Amose ne Wuribware a kpuri anen a eman-ɔ, ne do morowe Lot.

⁹ Amo-ɔ pese e kaapo feye Wuribware nyi anen ne o lee asese timaa a do lee aworefɔ-ro-ɔ, na anen ne o tii asese boye a do bo kyena nu kesebogyiiri bo fo kake nsi ne o gyi kaye-ro asese pese asen-ɔ. ¹⁰ Ɔ toora bamo ne ba kpa eboye kowaa-ɔ, na anen se-ɔ bamo nkpon-ro mon fwiiri-o, ne bo maa bu akema.

Anen a asese-ɔ de katomaabu na kunjulen, ne kufu mon de bamo feye bo sa senja bo kye Wuribware mbɔo gbaa. ¹¹ Haree gbaa Wuribware mbɔo a de keyalen bweetɔ bo kyɔ ayeba akaapopo mo ooo, bo mon de asaagi ba poro mbɔo boye-ɔ Wuribware akato-ro. ¹² Amaa akaapopo mo e sa senja ba kye ketɔ ne bo maa nu kaase-ɔ. Bamofesere du nee feye mbo kpense lee-o, ne bo maa fa mfesere feye asese-ɔ. Bo du nee feye mbo ne baa kowe bamo a sese nya kra mo-ɔ. Bamo-ɔ ba wu feye mbo-ɔ. ¹³ Wuribware e ka bamo eboye ne baa waa-ɔ koka. Bamo akato i gyi ateese kigy na nta bweetɔ kunuu si kake kema haree laman-no

* **2:6** Keleekaase 19.

gbaa. Mone aa bamo ya gyanne a mon' gyi ateese gbaa ooo, ba penna mone, na bo mose mone. Bo du nee feye iyisi ne i te mone iteburi si-o. ¹⁴ Bo naa bo gya akyee se nee. Bamo ebaye mon de kee. Ba waa aneŋ a akyee ne bo maa taare a bo nyite-o nnarokone, na bamo aa bamo nya di. Aneŋ a apoo awuye amo nyi aseŋ atanne kekpa-ro fee. Amaa Wuribware a da bamo yii. ¹⁵ Ne nkee baa yowe kpa kyerarase, ne bo gya Biilam ekpa se.* Biilam mo ne o gye Beyoo mo gyi-o gye akyaamεε-o oko ne oo deε kyena, ne oo deε kpa kowaa boye a o nya nya atanne-o. ¹⁶ Mone nyi aneŋ ne mo fɔŋfɔŋ kuruma ne o gye kabo ne o maa sa senŋsa-o a sa senŋsa feye sese-o tawe gywii mo nyanpe feye oo waa boye-o. Ne oo sa ne oo yowe kowaa feye mfere ke-mon-de wuye-o.

¹⁷ Aneŋ a ayebapo-o bee bo du nee feye atiribu ne a wore-ro-o, beε awore ne afwii e da amo a naa-o. Wuribware a yowe kibugyii demante ko bo beya, na o ba bo ka bamo koko. ¹⁸ Asese ko bo-ro ne baa sere lee bamo beeko-ana kakyena boye-ro-o, ne ayebapo amo e kpa a bo bee gyiiri bamo yaa kamεε bee ya bo lwee ebaye-ro. Bo de adabedabeseŋ na nseŋne ne mfere mon bo mmo-ro-o ba penna aneŋ a asese-o. Ba tawe ba gywii bamo nee feye nyorowe boye ne bo san bo de-o bo dan. ¹⁹ Ayeba akaapopo mo a tawe bo beya feye ba sa a asese mo nya bamo eyee, amaa bamo fɔŋfɔŋ gbaa gye boye anya nee. A lee feye, oko i de oko se keyaalen, sese amo gye mo ne o de mo se keyaalen-o kenya nee. ²⁰ N taa feye oko a bo gyii ane nyanpe na

* **2:15** Anyare kekare 22.

omorowepo Yeesuu Kristoo, ne amose-ɔ oo lee mɔ eyee lee ebaye ne e waa kaye mɔ-ro asese iyisi-o-ro. Sese amɔ ne mɔ ya sa ne aneɲ a baye-ɔ a bee nya mɔ se keyaalen feye bamɔ a kra mɔ kisawu-ro-o, aneɲ ne o kii-o bee a kyon aneɲ ne ɔ deɛ o du-o. ²¹ Ɔ deɛ ɔ mon ba bo gyii kpa timaa-o nee-ɔ, weete a bo feye mɔ a bo gyii mbraa timaa ne Wuribware a sa mɔ-ɔ, ne ɔ kɔre kra-ro, ne ɔ bee kine mmɔ se kegya. ²² Ɔ sa ne akpare mɔ a waa kasentij feye,

“Gyono a kpuu bee taa gyi,”*

na “Prako ne baa gyee mɔ-ɔ a kinji ba bo peere aporo-ro.”

3

Anɛ nyanpe a kikinji ba-ɔ i fu asese-ro

¹ Mɔ anyare timaa, mmɔ-ɔ e gye mɔ wore nyɔsepo ne mɔ a kyore bo kyonwe mone-ɔ. Ewore enyɔ-ɔ-ro peɛɛ, mɔ a len eyee feye η nyinji mone se feye mon' dee nya mferɛ timaa. ² Ewore amɔ-ro, mɔ a nyinji mone asen ne Wuribware fɔɲfɔɲ a akyaamɛ ne baa deɛ kyena-ɔ a tawe-ɔ se, ne mɔ a bee nyinji mone ane nyanpe na omorowepo Yeesuu a mbraa ne mone a nu lee mɔ ayaa-ro ayerepo ne baa ba mone ase-ɔ se. ³⁻⁴ Mon' nyinji amɔ-ɔ se neɛneɛ feye kaye-ɔ e ba kamɔ ηke lalalowe-ɔ, asese ko e ba a bo bo ba, na bo bo gya bamɔ ebaye ekpa dooo si. Na bo saare bokɔ tawe feye, “Yeesuu a tawe bo beya feye ɔ ba, ne ɔ ba aaa? Nkee mɔ? Mon' kee, lee haree ane nana-ana mbee

* **2:22** Anase na akpare 26.11.

se, seye mon tɛɛ waa ne ketɔ kemaa du anɛn ne ke dɛɛ ku du-o dɛɛ nee lee san ne Wuribware a twee kaye-ɔ.” ⁵ Anɛn a asese-ɔ den bo nyi kasɛntin-o, ne baa kine kamɔ, feye dedaa-ɔ Wuribware a sa kanɔ nee bo twee soso na sweere, ne nkyu a bun sweere se. Ne nkee oo ke nkyu na sweere-ro, ne ɔ sa ne sweere a yase bo di bo kyonwe mfee, ne nkyu mɔ a di bo kyonwe mfee. ⁶ Ne bo bee bo maa kpa a bo nyinɛ si feye san-ɔ nkyu ne Wuribware a bee bo mwiire sweere se nyera mɔ mɔ ebɔye awaapo pɛɛɛ.

⁷ Mɔ kan-ro asɛn tɔwɛɛ dɛɛ ne Wuribware bee o de ɔ deere mbeyomɔ a soso na sweere-ɔ se bo fo kake nsi ne ɔ ba deekpa a ɔ bo nyera amɔ pɛɛɛ kpuri asese ne oo gyi asɛn bu keɔ-ɔ bo lee bamo Wuribware kikine si.

⁸ Mɔ anyare timaa, monɛ ma kan tan amɔ-ɔ se feye anɛ nyanpe Yeesuu ase fɛraa kake konko du nee feye nsu kakpen-ɔ, ne nsu kakpen mɔ du feye kake konko-ɔ. Mmɔ pɛɛɛ ta nee. ⁹ Amose se-ɔ n gye sa ne anɛ nyanpe de yuri mɔ kikinɛ ba-ro feye anɛn ne bokɔ e tɔwe-ɔ. Monɛ ne o nyite. ɔ maa kpa feye okɔ kpuri, amaa ɔ kpa nee feye okemaa nu mɔ eyee, na o kinɛ lee mɔ ebɔye-ro.

¹⁰ Amaa kake ne anɛ nyanpe i kinɛ a ɔ ba-ɔ i fu mon-ro feye oyu-o. San amɔ-ɔ, deekpa dabe ko e kywɛɛ kyɔwe na kiferi na akyee-e-kpa-agyi, na ɔ sa a a nɛrawe, na soso waa elawo kenken giri giri kpun kpun kpun kpun, na ɔ naa. Anɛn dɛɛ ne deekpa e kywɛɛ sweere na ketɔ kemaa ne ke bo mɔ se-ɔ. ¹¹ Ketɔ kemaa a tɛɛ ki kpuri mfaanɛ-ɔ, ntɛtɔ asese ne mon' kii? Mon' kyena kakyena timaa, na mon' sun Wuribware kasɛntin-no. ¹² Mon' sa a a

waa mone kane feye Wuribware kake amo e ba. Amaa mon' dee waa anen ne mone e taare a mon' waa, na ka nya ba menan-ɔ. Kake amo-ɔ, soso e kywεε a o kpuri, na kipepenen ɱerawe kyowe na kiferi na akyee-e-kpa-agyi. ¹³ Ane gywii ketɔ ne Wuribware a tawe bo beya feye ɔ waa-ɔ nee. Kemo e gye feye ɔ tweε soso popwεε na sweere popwεε, mfen-ɔ ne okemaa i kii seε timaa.

¹⁴ Amose-ɔ mo anyare timaa, mone e kokose mone e kpa mo keba-ɔ, mon' len eyee kyena kakyena timaa anen ne Wuribware maa taare a ɔ nya kotoko se yere bo poro mone-ɔ. Na mone ma sa a mone aa mo mbonɱo-ro ten-no. ¹⁵ Ane nyanpe i nyite okemaa, na ɔ morowe mo. Anen dee ne ane kosobεε timaa Pɔol a ba kanyiasen ne Wuribware a sa mo-ɔ bo kyoreε bo kyonwe mone-ɔ nee. ¹⁶ Mo e tawe anen a ato-ɔ asen, anen ne ɔ kyoreε amo asen mo ewore-ro-ɔ nee. Mo ewore-ɔ-ro, ɔ kyoreε ato ko ne amo kaase kunu bo len-ɔ. Aseε ko ne bo mon nyi seye, ne bamo mfeere e yo mfee m ba mfee-ɔ a kyuwii ketɔ ne ɔ tawe-ɔ feye anen dee ne bamo fonfon i kyuwii ketɔ ne ke bo abwaresen wore ne ɔ san-ɔ-ro ton ko-ɔ. Amo-ɔ se, bamo fonfon e sa a Wuribware gyiiri bamo kesebɔ.

¹⁷ Mo anyare timaa, ketɔ ne ki tii tebo-ɔ e gye feye mbeyomɔ mone a tee mone nyi ato ma se-ɔ, mon' sa mone eyee se. Mone ma kan gya ekpa boye ne katomaabu awuye e gya se-ɔ se, a lee feye ba sa a mon' yowe kasentɱ a ekpa-ɔ, na mone ma lee yere kenken mone kokoregyi-ro. ¹⁸ Amaa mon' dee meraa se buwi kpa anen ne mone e waa, na mon' gyii ane nyanpe na amorowepo Yeesuu Kristoo na

mò nyure-o nɛɛnɛɛ-ɔ. Bɔnyaa na kɛdabɛ na wuraa
kii mò lee, lɛɛ mbeyɔmɔ bɔ yɔ nsu pɛɛɛ. Amɛyɛ.

Abwaresen Wore-ᵛ
New Testament in Chumburung
(GH:ncu:Chumburung)

copyright © 2010 Wycliffe Bible Translators, Inc.

Language: Chumburung

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chumburung

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 30 Dec 2021

24326c91-bd91-5fb9-a5f1-7f3e726a9745